

Homber abusador a trata di viola mucha muher mudo sordo

ORANJESTAD (AAN) - Dios a yuda un damita mudo y sordo saca un voz fuerte cu esnan den vecindario por a tende y asina notifica polis cu a presenta rapido na e sitio y evita cu e damita lo a ser viola pa un anti social.

Tabata Dialuna marduga despues di Calypso cu un homber a tende gritonan forza y formal di un voz di femenino ta sali for di cura di YMCA na

San Nicolas.

E homber a bay warda di polis y a conta e wachecomandant loque el a tende. Rapidamente dos patruya a bay na e sitio unda nan a topa dos homber, un ta manera tene vigilancia y e otro tabata trata di viola e dama cu tabata grita pa yudanza pa e sali for di e mannan violento di un homber cu e no conoce.

Ora cu nan a nota presencia di polis nan a cuminsa core. Polis a gritanan pa para y hasta a los tiro di advertencia, pero asina mes e dos desgraciado a sigui core y a perde den scuridad.

Investigacion cu a polis a haci na e sitio nan a topa cu un paar di keds cu un di e violador a laga atras.

E damita tabata histerico y no por papia. Polis a bin saca afor

cu e ta mudo y sordo. Segun señalnan cu e jovencita a duna, polis a conclui cu un di e hombernan tabata lucha cu e mucha muher y kier a kita su paña y a force pa tene relacion sexual forza cune, pero e no a logra den su intento.

Tabata dos abusador y alavez violador cu a intenta di abusa di e criatura mudo y sordo.

E damita no tabata kier pa e zuster di Centro Medico ex-

amine, pero solamente un doctor.

Na cas unda e dama ta biba, a sali na cla cu e ta keda eyan pasobra su mama a core for di cas.

Recherche tin e caso bao di investigacion y no ta exclui cu dentro di poco dia por detene e dos desgraciadonan di e hopi cu ta cana rond ariba e pida baranca aki.